



## STARI GRAD OSTROVICA

Stari grad Ostrovica izgrađen je na istoimenom brdu, na lijevoj obali rijeke Une, iznad Kulen-Vakufa. Prije dolaska pod osmansku vlast nalazio se u rukama Frankopana, Juraja Mikulčića i Ivana Keglevića. Pod osmansku vlast je došao 1523. godine i na značenju je dobio tek nakon Kralovačkog mira 1699. godine. Od 1523 do 1878 držali su Turci posadu u Ostrovici. Turci su ga znatno proširili i tada je zadobio svoj današnji oblik. Grad je u osnovici podulji pravokutnik s jakim, do 10 m visokim zidovima. God. 1577 brojila je posada 60 konjanika, 150 pješaka, a 1834 g. samo 20 momaka. Carevci su više puta udarali na ovaj grad (1560, 1698, 1737, 1789 i 1834).

Po veličini Ostrovica je bila gradić, ali kako se nalazila blizu i meltačke i austrijske granice, a usto imala povoljan obrambeni položaj, dato joj je veliko značenje. Zbog toga su stalno izvođeni radovi na njezinom proširivanju i jačanju. Grad je opasan jakim bedemima visokim 10 metara, čija je dužina 117, a širina 83 metra. Pred bedemima nalazila se glavna kapija. Tvrđava se sastojala od četiri kule i dvije tabije. Glavni je ulaz s južne, a sporedni sa sjeverne strane.

Komandant posade bio je u zvanju dizdara, a zvanično se titulisao kao bašaga. Od 1699. godine, ako ne još i otprije, sjedio je u Ostrovici i kapetan koji je oko godine 1791 prenio svoje sijelo na Prkose. Od strovičkih dizdara spominju se: Nesuhaga (1637), Muhamedaga (1700) i Alijaga (1783). Grad je postao i sjedište Ostrovičke kapetanije, koja je osnovana u prvim godinama XVIII stoljeća i koja se prostirala s obje strane gornjeg toka Une. U njezinom sastavu bili su Orašac, Herala, Kulen-Vakuf te palanke Čovka i Donji Lapac. Njezini kapetani bili su pripadnici poznate bošnjačke porodice Kulenovića. Ostrovica, Kulen-Vakuf i Orašac u ratu 1714 – 1718. imali su 989 ljudi, a nakon zaključenog mira 561 nefera. Vec naredne 1720. godine njihov broj je uveća za 428 ljudi. Vojna posada nalazila se u Ostrovici sve do 1878. godine.

Tekst i slike obradio: Igor Pečenković, dipl.ecc.hot.

Izvori: HAMDIJA KREŠEV LJAKOVIĆ STARI BOSANSKI GRADOVI Godišnjak Zemaljskog zavoda za zaštitu spomenika kulture i prirodnih rijetkosti N. R. Bosne i Hercegovine, 1953

Stari gradovi Bosne i Hercegovine, Stari gradovi Unsko-sanskog kantona, „Zavod za zaštitu kulturnog naslijeđa USK“ Bihać



## STARI GRAD OSTROVICA

[www.historijabosneihercegovine.com](http://www.historijabosneihercegovine.com)